



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Valentino, Asterio, Mario, Martha, Audiface & Habacuc martyribus.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

**Induit se
virgo vestē
virilem, ex
pilis con-
textam.** becillitatem, & virili se accinxit prudentia, & induit vestes viriles, nempe pileum & vi- rilem tunicam, contextam ex pilis, & stans precata est Dominum, dicens: Domine, qui exaudisti omnes sanctos tuos à seculo, exaudi me quoquè peccatricem, & consumma me in hoc loco & habitu, nulla affectam ignominia, & conserua meam animā, & confirma cor meum, & corpus meum corroborata, & deduc mentē meam & animam ad hoc, ut tibi placeam, & impleam tua mandata, & ihs, qui mihi obediērint, præbe Domine bo- nam mercedem: quoniam es benedictus in secula, Amen. Post hēc aut dicit mulieri: Ro- go te domina: dum panis & aqua ad me affertur, fac vt lanam quoquè ad me afferas, & cùm parauero, reddam tibi, nè panē gratis comedam. Has quoquè meas vestes tibi ha- bead ad me monimentum. Hēc cùm dixisset, dimisit eos in pacc.

Tertio autem quoque mense accedebant ad eam nauclerus & vxor eius, ei offeren- tes, qua necessaria erant ad alimentum. Beata autem exultabat, & glorificabat Domi-

**Nota virgi-
nis diurnas
& noctur-
nas preces.** num in veneranda & bona agenda vitæ ratione. Fundebat verò interdiū quidem, duo- decim preces, noctū autem vigintiquatuor. Alimentum autem eius erat, in duobus diebus libra panis, & aquæ poculum vnum. Sicque perfecit cursum suum, in bona vi- uendi ratione. Erat autem, cùm venit ad petram, nata annos vigintiquinque: in petra verò vixit sex annos. Duobus autem mensibus, antequā veniret nauclerus & vxor eius, tradidit beata Photina Christo spiritum suum, cùm peregrisset cursum suæ exercitationis in sincera fide & bona vitæ agenda ratione, vt etiam ipsi nauclero de ea reue- laretur.

Postquād autem impletum fuit tempus duorum mensium, accessit nauclerus cum sua vxore, & inuenit eam mortuam, & decorè honesteque iacentem, & manus habentem in formam crucis, osque honeste clausum, & similiter oculos diligenter clausos, & vt semel dicam, eam tam honeste iacentem, vt ipsi putarent eam dormire. Accedentes ve- rō, eam inuenierunt mortuam, & Deum glorificauerunt. Erat autem eius vultus post tot dies tanquam flos matutinus, suauem odorem emittens: & cùm adorassent venerandas & sanctas eius reliquias, acceperunt in nauiculam, & tulerunt Cœfarcam ciuitatem Palestinae, & renunciārunt ei, qui tunc erat Episcopus, vitam quam ex virtute egerat. Quamobrem iussit ipse Episcopus eam sepeliri in loco honesto & insigni, cum lampadi- bus & hymnis diuinis: Ad gloriam Dei omnipotentis & Domini nostri Iesu Christi: Cui gloria & potentia, cum patre & sancto spiritu nunc & semper, & in secula seculo- rum, Amen.

MARTYRIVM SANCTI VALENTINI PRE- SBYTERI ET ASTERII, ITEM QVE MARII ET MAR- thæ, Audifax & Habacuc nobilium Persarum? cuiusdem faciunt anti- quisima martyrologia & vetusti MS. Codices.

Stylum nonnihil correxiimus.

**14. FEBRVA.
Peregrina-
tio religio-
nis ergo eti-
am antiqui-
tus fiebat,**

**Idicium
Claudij cō-
tra Christi-
anos.**



Emporibus Claudi, venit quidam de Perside, Marius no-
mine, cum vxore sua Martha, & filiis Audifax & Habacuc
Christianis viris ad orationem Apostolorum. Cumq; ve-
niissent Romam, cœperunt corpora sanctorum per carce-
res & sepulturas sollicitè & curiosè inquirere. Interēa veni-
unt in castrum trans Tyberim; & in carcere cōspiciunt ho-
minem venerabilem, nomine Quirinū, qui iam multa ver-
bera pro nomine Christi perpessus fuerat; & facultatibus
suis nudatus. Ad quem venientes, miserū se ad pedes eius,
obsecrant, vt oraret pro eis: ibiq; manserunt diebus octo,
de facultatibus suis ministrantes beato Quirino; & lauan-
tes pedes eorum, qui vinculis erat constricti, & in capita sua vel filiorum suorum ipfam
aquam effundentes. Eodem tempore iussit Cladius, vt si qui Christiani inuenti fuissent
aut in vulgo, aut in custodia; sine interrogatione punirentur. Ipso autem edito promul-
gato, tenuit ducentos sexaginta duos Christianos via Salaria, qui arenam fodient s, da-
mnati fuerant pro nomine Christi: quos extra muros portæ Salaria duci, & in ciuitatis
amphi-

amphitheatro militum sagittis iussit interfici. Hoc cum factum fuisset cōtristati nimis Marius & Martha vxor eius cum filijs suis, venerūt ad locum, vbi corpora sanctorum imperfecta fuerant, vna cum beato Iohanne presbytero, & inuenērūt super corpora eorum ignem superpositum. Itaque cōperunt corpora subtrahere & sepelire cum linteis minibus ex facultatibus suis: quia locupletes erant: sepeliērunt autem ea in crypta via Salaria in clivo cucumeris. Simul etiam sepeliērunt tribunum quēdam Claudij, nomine Blastum: & in eodē loco vigilias & ieunia cum orationibus multis diebus cum beato Iohanne celebrauerunt.

Audiens hęc Claudius, curiosè iussit inquiri Marium & Martham vxorem eius: sed non inuenit eos: quod occulte isthuc facerent. Venientes verò Romam ad castrum, reuisebant beatum Quirinum. Quem non inuenientes, cōtristati sunt nimis. Inuenērunt tamen quandam presbyterum, nomine Pastorem: qui enarravit eis rem omnem: & ut noctū interfitus fuerit gladio beatus Quirinus: & iactatus in Tyberim, corpusque eius remanserit in insula quadam. Pergentes igitur noctū cum familia sua, & beato Pastorem presbytero, collēgerunt corpus eius: & terra condiderunt in cōmēterio Pontiani in crypta, octauo Calend. Aprilis. Deinde beati, Marius & Martha cum filijs noctū audiunt in loco quodam trans Tyberim in cōnaculo multitudinem Christianorum psallentium, multumque letati, pulsant ianuam cōnaculi. Illi autem timentes, noluērunt aperire. Eodem in loco erat episcopus, nomine Calixtus. Qui cum audisset pulsantes, dixit ad sanctos Christi: Confortamini, nolite timere! Christus pulsat ostium nostrū. Aperiāmus ergo os nostrū: & plūs confortati, collaudemus Dominum: quia ipse nos vocat. Et confessim ipse perrexit: & aperuit ostium. Quem vidētes Marius & Martha cum liberis suis, miserit se ad pedes illius. Ea re animaduersa, omnes Christiani gauisi, & se in uicem osculati sunt.

Porrò beatus Calixtus sic orauit ad Dominum: Deus pater Domini nostri Iesu Christi, qui dispersa congregas, & congregata conservas: auge fidem & fidutiam seruis tuis per Christum Dominum nostrum: qui viuit cum te Deo patre omnipotente & spiritu sancto in secula seculorum. Et responderūt omnes, Amen. In cōdem autem loco, cōmenibus duobus manserunt absconditi. Interim apprehendit Claudius quandam venerabilem presbyterum, Valentimum nomine: & vinxit compedibus & catenis. Inde post biduum iussit eum sibi presentari in palatio suo iuxta amphitheatum. Qui cum presentatus fuisset ad spectib⁹ eius: dixit ad eum: Quarē non frueris amicitia nostra? sed illis potius iungeris, qui sunt hostes reipublicæ nostræ? Satis quidem mirandam tribui tibi sapientiam audio? & tamen cum sis sapiens, offendis in superstitionem vanitatis. Regatur. spondens Valentinus presbyter, dixit: Si scires donum Dei, gauderes & tu, & res publica tua, refutaresque démones, & idola tua manufacta: & cōsidereris unum Deum patrem omnipotētem, & Iesum Christum filium eius, creatorēm omnium rerum, qui fecit celum & terram, mare & omnia, quæ in eis sunt. Respondit quidam Iureconsultus qui adstabat Claudio, & dixit voce clara ad beatum Valentimum presbyterum: Et quid de deo Ioue vel Mercurio? Respondit Valentinus presbyter: O homines miserimos & turpes, qui tempore vita suæ semper in spurciis, impuris voluptatibus & contumeliis corporum suorum malè vixerunt. Sed tamen ostende mihi genealogiam eorum: & videbis quā turpes fuerint. Respondit ille alta voce: Blasphemauit deos & gubernatores reipublicæ. Eo die sic sati patienter audiebat Claudius; dixitque Valentino: Si Christus Deus est, quarē mihi non explicas, quod verum est? Respondens Valentinus presbyter, dixit: Audit pietas tua, ô rex, & salua erit anima tua, & res publica tua augebitur, & hostes tui profigabūtur: tuque in omnibus visor, & hīc regno frueris; & in illo seculo futuro. Hoc tantum admonet ut te poeniteat fusi sanguinis sanctorū, credasque in Christum, & baptizeris. Ita enim saluus eris. Tum verò Claudius dixit adstantibus: Audite cives Romani & coetus reipublicæ, quā sana doctrina ab hoc homine promittur. Respondit Calphurnius p̄fectus, & voce clara dixit: Sed tu es princeps doctrina falsa. Num verò æquum id esse potest, ut relinquamus, quæ à cunabulis nostris coluimus & adorauimus?

Eādem hora mutatum est cor Claudij: & cum dolore animi tradidit Valentimum Caliphurnio p̄fecto, dicens: Patienter audi eum: & si sanum consilium non est, quod profert, fac in eum, quod in sacrilegum legibus sancitum est. Sin verò recte consultit, audiat.

tur iusta postulatio eius. Tunc Calphurnius prefectus suscipiens Valentiniū presbyterum, dedit eum cuidam Asterio principi suo, dicens; Si potueris eum molibus sermonibus inflectere, intimabo doctrinam tuam Claudio, & eris amicus eius; & augeberis opibus & facultatibus. Accipiens ergo eum Asterius, duxit in domum suam. Qui cum introisset in domum Asterij, genibus positis, orauit dicens; Deus omnium rerum visibilium & inuisibilium factor & creator generis humani, qui misisti filium tuum Dominum nostrum Iesum Christum, ut nos de presenti seculo liberares; & de tenebris ad lucem veram perduceres Christum, qui nobis precipiens dixit; Venite ad me omnes, qui laboratis & onerati estis, & ego reficiam vos. tu converte domum hanc, & dona ei lumen post tenebras; ut cognoscat te Deum verum & Christum Iesum in unitate spiritus sancti in secula seculorum, Amen.

Matth. 11. *E*ram perducere Christum, qui nobis precipiens dixit; Venite ad me omnes, qui laboratis & onerati estis, & ego reficiam vos. tu converte domum hanc, & dona ei lumen post tenebras; ut cognoscat te Deum verum & Christum Iesum in unitate spiritus sancti in secula seculorum, Amen.

Audiens hoc Asterius princeps, dixit ad Valentiniū presbyterum; Miror prudentiam tuam, ut diccas, quia Christus vester lumen est. Respondit Valentinius, voce clara, dicens; Et vere, quia Dominus Iesus Christus, qui conceptus est de spiritu sancto, & natus de Maria virgine, lumen verum est, qui illuminat omnem hominem venientem in hunc mundum. Respondens Asterius, dixit; Si illuminat omnem hominem, modò probabo, num Deus sit, aut certè fallaciam tuam coercedebo. Habeo filiam adoptiuam, quam diligo à cunabulis, quæ ante duos ferè annos, epitematis foedata est. ipsam adducam ad te, & si curata fuerit, omnia quæcunque praecepere, faciam. Respondit Valentinius presbyter; In nomine Domini nostri Iesu Christi adduc eam ad me. Currens vero Asterius

Oratio 8. *V*alentini ad Deum. anxius, adduxit pueram cæcam ad beatum Valentiniū presbyterum. Eleuans autem manus in cælum, oculis madentibus lachrymis, dixit; Domine Deus omnipotens, pater Domini nostri Iesu Christi, pater misericordiarum, qui misisti filium tuum Dominum nostrum, ut nos de tenebris ad lucem veram perduceres; te inuoco ego peccator & indignus. Sed quia omnes vis saluos fieri, & neminem perire; ego deprecor misericordiam tuam, ut cognoscant omnes, quia tu es Deus & pater & creator omnium, qui cœco nato oculos aperiisti, & fecistem Lazarum de monumento suscitasti; te inuoco, quilibet es verum, & Dominus omnium principum & potestatum non mea voluntas, sed tua fiat super hanc famulam tuam, ut digneris eam illuminare lumine intelligentiae tuæ. Et posuit manum super oculos eius, dicens; Domine Iesu Christe, illumina famulam tuam, quia tu Deus lumena verum es. Et cum hoc dixisset, aperti sunt oculi eius.

Cæcam il- *luminat,* & *credidit Aste-* *rius cù vxo-* *re sua &c.* Hoc cum vidisset Asterius, cecidit cum uxore sua ad pedes beati Valentini, & ait; Per Christum, per quem lumen cognouimus, quod scis facias; ut saluetur anima nostra. Respondit Valentinius; Ergo facite, quod dico; & si ex toto corde creditis, confingite omnia idola, & ieuniate, & remittite culpas omnibus, & baptizetur unusquisque in confessione sua, & saluus erit. Indixit vero eis triduanum ieunium. Et quia Christianos multos habebat Asterius in custodia, relaxauit omnes. Triduo consummato, die sancto Domingo baptizauit Asterium cum omni domo sua. Et vocauit ad se sanctum Calixtum episcopum, & consignauit Asterium cum omni domo sua animas promiscui sexu ferè sex & quadraginta. Hoc posteaquam audiuit Marius & Martha uxori eius cù filiis, nempe cæcam illuminatam à B. Valentino, & propter illuminationem eius omnem domum Asterij credidisse, venerunt cum gaudio ad domum Asterij, gratias agentes Deo, fueruntq; ibi diebus trigintaduobus. Post hos dies requisuit Claudius Asterium principem; Porro nunciatum est illi, illuminatam esse pueram in domo eius; & hoc signo permotum, baptizatum esse in nomine Christi cum omni domo sua per Valentiniū presbyterum. Qui iratus, misit milites, & tenuit omnes, quos inuenit in domo eius. Qui cum adducti fuisse videnti, inter quos erat Marius & Martha, Audifax & Habacuc nobilissimi ex Perside, qui venerant ad orationem sanctorum Apostolorum, iussit Persas quidem separari à congregatione eorum; Asterium vero cum omni domo sua duci in civitatem Ostiam, & illuc cum poenis excruciatum interfici. Marium autem & Martham, Audifacem & Habacuc suo iudicio reseruari; Valentiniū autem presbyterum fustibus cedi, & capitalem subire sententiam. Qui decollatus est via flaminea sub die XVI. Calend. Martiarum. Cuius corpus collegit matrona quedam Sabinella, & sepeluit in eodem loco, ubi capite cœsus est.

S. Valenti- *nus capite* *plectitur.* Iussit deinde Claudius presentari ad spectibus suis Mariū, Martham, Audifax & Habacuc.

bacuc. Qui cùm præsentati fuissent; estimans eos pecunijs cumulatos; sic illos aggreditur; Vnde estis? Respondit Audifax, filius eorum maior; De Perside. Claudius dixit; Quam generis obtinetis nobilitatem? Respondit Audifax; Ego & Habacuc, quantum ad carnem, filii horum sumus. Claudius dixit; Ob quam causam hic venire voluistis? Respondit Audifax; Desiderio desiderauimus ad pedes Apostolorum orationis causa occurrere. Claudius dixit; Et qua sunt vobis facultates; vt tantos itineris velletis sumptus facere? Responderunt Marius & Martha; Dominus omnipotens nouit; quia nobiles sumus ab omni antiquitate. Nam vt scias nos nobiles esse, ego filius sum Imperatoris Maromeni; & hec filia est Cusuntis subreguli. Claudius dixit; Quarè iudicium parentum vestrorum non sequimini; potiusque deseritis deos, quos patres vestri coluerunt; & hominem mortuum queritis? Respödit Marius; Nos famuli Christi, seruos & Apostolos eius venimus exorare; vt ipsi interuenire dignetur pro nobis. Claudius dixit; Facultates vestrae prestat sunt? Marius respondit; Facultates nostras dedimus ei; qui ad breue tempus eas nobis dedit; Domino nostro Iesu Christo. Claudius audiens hunc sermonem, iratus, tradidit eos vicario Musciano, dicens; Si non sacrificauerint; & reliquerint superstitionem hanc; diuersa eis tormenta adhiberò.

Eadem die iussit sibi in Tellure gremium preparari; & omnia genera tormentorum adferri. Cumque adducti fuissent sancti martyres in conspectu eius, furore repletus, dixit; Intimatum vobis est, quid preceperint principes nostri, & omni rei publica? Respondit Audifax; Nescimus. Muscianus vicarius dixit; Ergo vultis cognoscere decreta? Responderunt Marius & Martha; Desideramus audire, quid iussum tibi fuerit. Muscianus vicarius dixit; Deferantur tormenta. At vbi allata sunt? dixit; Omnia genera tormentorum in vos expendentur; si decreto non obtemperaueritis. Sin verò iussis principum obedientes vos præbueritis; & natales vestri renouabuntur; & dignitates obtinebitis haud vulgares. Hec enim iusserunt viatores reipublicæ; vt sacrificetis dij^s Sancti martyris^{es} sine mora; & sitis amici principum. Respödit Audifax filius maior, & dixit; Stultam rem locutus es. Dicit Muscianus ad Marium, Martham & Habacuc; Vos quid dicitis? Responderunt; Omnes quasi uno ore locuti sumus. Muscianus vicarius iussit expoliarie eos; & fustibus cedi^r. Martham verò stare ante eos. Qui cùm cederentur; sub voce preconis dicebant cedentes; Precepta principum contempnere nolite.

Martha autem gaudens, dicebat; Filij mei, constantes estote. Marius verò laudabat Dominum, dicens. Gloria tibi Domine Iesu Christe. Muscianus vicarius iussit eos deinde leuari à terra; & suspendi in eculeo. Qui dum attraherentur funibus canabinis, voce clara clamabat Audifax filius maior; Gloria tibi Domine Iesu Christe; qui dignatus es annumerare nos seruos tuos. Irratus verò Muscianus, iussit ignem ad latera eorum apponere; & vngulis ferreis radii. Illi autem vultu alacri clamabant; Gratias tibi agimus Domine. Post hec iussit Muscianus eos deponi de eculeo in conspectu Marthæ, & manus eis precidi? quibus præcis, coepit sanguis emanare. Martha autem colligens sanguinem mariti & filiorum, caput suū illo linebat cum gaudio. Deinde iussit Muscianus, vt manibus colligatis per ciuitatem circunducerentur sub hac voce preconaria; Deos blasphemare nolite. Clamabant autem Marius, Audifax, & Habacuc; Non sunt dij, sed demones; qui & vos perdent & principem vestrum. Eodem die tulit sententiam; vt capite punirentur. Itaque duæ via Cornelia millario tertiodecimo ad Nymphas Catabassij, ibi in eodem loco decollati sunt sub arenario, Marius, Audifax & Habacuc. Martham vero in puto necari precepit. Quorum corpora iussit concremari; nè sepultura asficerentur. Matrona vero, nomine Felicitas, rapuit corpora eorum semiuista, & in predo suo sepelivit. Martham verò leuavit de puto, & iunxit corporibus sanctis sub die 13. Calendarum * Februario, * Martiariū,

riarum, vbi præstantur beneficia Domini nostri
nostrī IE S V Christi usque in ho-
diernum diem.

PASSIO

Q 999 3